

Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazart, Cornelius

Antverpiæ, 1688

Discursus XVIII. Liberantur fratres Ioseph è carcere, & agnoscant
peccatum suum.

[urn:nbn:de:hbz:466:1-52700](#)

DISCURSUS XVIII.

Liberantur fratres Ioseph è carcere, & agnoscunt peccatum suum.

Cum jam tres dies fuissent in carcere, educti sunt, inquit Scriptura, & ducti ad Ioseph, qui ait illis: Facite quæ dixi, & viveatis; Deum enim timeo: Si pacifici estis, frater vester unus ligetur in carcere; vos autem abite, & ferite frumenta quæ emisisti, in domos vestras, & fratrem vestrum minimum ad me adducite, ut possim vestros probare sermones, & non moriamini.

Hactenus nullum in illis reflexeram sensum, saltem nullo signo exteriori illum ostenderant, jam audio illos dicentes ad invicem: Merito haec patimus; acerrimè objurgati fuerant à Iosepho, accusati gravissimi criminis, detrusi fuerant in carcere, vinciti illic perduraverunt dies solidos tres, inde iterum ad quæstionem evocati à Ioseph: Nec tamen tot confecti ærumnis videntur se miseros reputare, nec peccatum confessi sunt. Jam se miseros conqueruntur cum miseriis & vinculis eximuntur, dicunt enim: Merito haec patimus. Datur illis frumentum, permittuntur redire ad patrem, quid hic miseriae, ut jam primum se miseros putent? dicam quod sentio: Audierant Iosephum dicentem: Frater vester unus ligetur in carcere, vos autem abite, hoc illos cruciat quod separantur: Nunc periuimus, inquiunt, quando dividimur: Vincula pertulimus, sed omnes simul, frumenta nunc quidem redduntur, sed frater eripitur, malum frumento carere quam fratre, igitur aut omnes redeamus aut nullus, quoties enim vel pedem movebimus, recurret nobis vincitus frater. O mirabilem fratrum amorem atque concordiam, sedram, ut ait Poëta: Fratrum quoque gratia rara est. Quoties hoc videte licuit præsertim quando venitur ad dividenda patrimonia? quæ jurgia, quæ discordiae, quæ aversiones, quæ lites? adeo ut recte dixerit D. Petrus Chrysologus serm. 162. Hæreditas mundana, inquit, prius posteris infert jurgia quam confert censem: Antequam dividat facultates, scindet hæredes, antequam debitas tradit singulis portiones, successores ipsos dissecat, & mittit in partes; proinde non est hereditas illa, sed pugna.

Propterea cum quidam veniret ad Christum Luce cap. 12, cique dicebat:

Concordia fratrum.



ceter: Magister dicyatri meo ut dividat mecum hereditatem; respondit Christus: Homo, quis me constituit judicem aut divisorum super vos? non rogaverat Christum ut divisor aut judex foret hæreditatis, sed petierat tantum, ut fratri divisionem suaderet, dic illi ut dividat. Ergone hortari ad divisionem, divisorum facit hereditatis? Ita plane, nam qui consilium suggestit ut dividat, recte & merito appellatur divisor, adeoque si Christus isti rei se immiscueret, fratremque ad divisionem hortatus fuisset, non solum factus fuisset divisor hereditatis, sed etiam judex; raro enim divisorum exposcimus, quin judice egeamus: Vix enim inter dividendam hereditatem lites desse possunt, hinc divisionem passim sequitur tribunal. Ista divisio, inquit Petrus Chrysologus, germanos dividit, amicitiam solvit, excludit affectum hinc verum est illud Poëtæ: Fratrum quoque gratia rara est. Propterea tanto majori admiratione digni erant fratres Iosephi, quod cum redderentur illis frumenta inter se dividenda, ne verbo quidem inter se dissentirent, multo minus jurgarentur, sed summa concordia omnia peragerentur. Hoc est esse fratres, inter se esse concordes.

Neque tamen hoc sufficit, opus etiam est ut se mutuo adjuvent, & mutua commoda promovere studeant, & non patientur ut vel uni vel alteri quidquam mali aut damni obveniat, aut si quid obvenient conentur adferre remedium: Sic erant fratres Iosephi, quando enim audiverant, unum ex se conjiciendum in vincula, alias omnes dimittendos in patriam, maluissent omnes potius remanere in Agypto, quam redire ad patrem, ut afflictum fratrem solarentur, & inclusum carceri adjuvarent. Hoc est vere fratres esse: Sed & hæc fratrum quoque gratia rara est: Quando enim incipiunt inter se dissidere, nihil gravius, inquit Vatablus illorum similitatibus atque dissidiis, & tam sunt irreconciliabiles, ut non tantum se mutuo deserant in summa necessitate aut luctu, sed etiam opprimant: Unde hec tanta acerbitas? quia sicut quo fortius vinum, eo fortius inde acetum, si quo fortior amor, si lædatur, tanto vehementius odium. Hinc fratrum contentiones, inquit Aristoteles lib. 7. Prolit. cap. 7. & iræ acerbissimæ sunt, qui enim nimium amant, si amor læditur, nimium oderunt. Indigna res, quos natura conjunxit, quos idem uterus gestavit, quos eadem ubera lactavere, qui sub eodem tecto, sub uno patre, eademque matre educati sunt, tot vinculis astricli, sic posse separari, ac dissidere ut numquam, aut sanè nisi maxima cum difficultate rursum possint uniri.

At frater, inquit Salomon prov. cap. 18. qui adjuvatur à fratre quasi civitas firma quæ verba sic exponunt; Interpretes: Fratres inter se uniti à equivalent multis civibus qui urbem aliquam defendunt quod enim in urbe facit multitudo civium, hoc in familia facit paucorum fratrum amor & unio.

2. Sicut urbs munita incolas tuetur contra omnes hostium incursus, sic & frater fratrem defendere debet ac protegere contra omnia adversa; quia sicut cives in urbe munita invicem se communiant, ac communibus viribus urbem propugnant, ab eaq; hostem propellunt, sic fratres concordes à se mutuo omne damnum propellere debent.

Neque hoc adhuc satis ut se mutuo juvent, deberent etiam parati esse pro se mutuo mori, sicut parati erant hoc facere fratres Iosephi: Cum enim Ioseph illis paulo ante dixisset: *Frater unus vestigetur in carcere, vos autem abite, quasi illis optionem dans ut eligerent quisnam esset in vinculis retinendus;* atque dum ea fieret electio, abscessit è cubiculo, ut tanto liberius inter se conferrent: Verum reversus invenit electionem nondum factam, neque apparentiam esse ut facerent, unde verosimile fit quod quisque, ne alium nominaret, se carceri vinculisque obtulerit. Ioseph ergo hoc videns, cum non omnes, sed unum tantum vellet retinere, ipse met unum elegit ex omnibus, scilicet Simeonem. Designatus fuit Simeon à Ioseph, inquit Abulensis, quia non videbatur fraterno amori convenire ut ipse de se ipsis unum magis quam alium vinculum eligerent, itaque quilibet eorum se pro aliis offerebat, etiam cum periculo mortis, audiverant enim Iosephum dicentem: *Adducite fratrem vestrum minimum ut non moriamini:* Itaque ne Simeon retinendus in carcere, se absentibus morti addiccretur, malebant potius omnes manere, vel quique in particulari, etiam cum periculo mortis.

Sed antequam ista electio fieret, omnes simul, ut supra diximus, fuerant conjecti in carcere, postquam acerbissimis verbis tamquam exploratores fuerant excepti à Ioseph, quod ipse propterea fecerat ut per illos cruciatu eos perduceret ad agnitionem peccati quod contra illum commiserant, & obtinuit quod volebat, nam dixerunt ad invicem: *Merito hec patimur, quia peccavimus in extremum nostrum, videntes angustias anime illius, dum deprecaretur nos, & non audivimus, sed circa venit super nos ista tribulatio: E quibus unus Raba ait: Numquid non dixi vobis, nolite peccare in puerum? & non audistis me, in sanguine ejus exquiri?* Hic



Hic clarè jam vides quid tribulatio possit ad convertendos peccatores: Affluntur hi fratres, & ecce statim agnoscunt se peccasse in fratrem, meritoque puniri: Afflictio aperuit oculos quos clauserat culpa: Jam enim videbant se justè puniri à Deo, quia peccaverant in fratrem, non tantum dicunt in genere *quia peccavimus*, sed in particulari, *quaia peccavimus in fratrem nostrum*, quia illum projectum in cisternam veterem dilacerandum a feris, quia illum vendidimus *immaculatis*, quia illum fecimus mancipium, quia tam immisericordes fuimus, ut noluerimus audire nos deprecantem, & tam miserabiliter flentem, propter hoc peccatum merito patimur ac punimur.

Quidquid patimur, inquit *Gregorius*, peccata nostra meruerunt: Nullus tam sanctus qui non peccet aliquando *septies enim in die*, inquit *Solomon, cedit justus*. Sive ergo justus sis, sive peccator, quodcumque Deus obvenire voluerit, inquit *Ludovicus Blosius Paradisi, anima cap. 10.* omnia imputa tuis iniquitatibus.

Si magnus peccator es, & bonorum jastram pateris, agnose culpam & dic: Merito hoc patior, quia toties mala fide processi in meis negotiis, jam luo: Ingruit morbus qui te aliquot mensibus letto affigit: agnosce culpam, & dic: merito hæc patior, quia toties sanitatem mea abusus sum ut excederem in cibo & potu: Jam luo: Hostes habes qui te persequuntur: agnosce culpam, & dic: merito hæc patior, quia Persecutus sum pupillum & viduam. Jam luo: Filium habes, qui tibi mille facessit difficultates, qui toties te offendit atque contristat: agnosce culpam, & dic: Merito hæc patior, quia ego ipse toties offendi & contristavi parentes meos: jam luo: Amici te dererunt in necessitate, nec est qui te juvet aut consoletur: agnosce culpam, & dic: Merito hæc patior, quia toties nolui audire miserotrum hominum planctus, nec aspicere pauperum lacrymas quando deprecabantur. Jam luo: Amisisti item: agnosce culpam, & dic: Merito hæc patior, quia malis artibus usus sum, corrupi judices & advocatos ut illam lucrarer. Jam luo: Vapulas linguis hominum & spargunt de te etiam falsa: agnosce culpam, & dic: Merito hæc patior quia toties male & falso locutus fui de viris religiosis: jam luo: Jam debo luere meas impudicitias, meos inhonestos sermones, meam superbiam aliorumque contemptum, meam negligenciam in frequentandis Sacramentis præsertim confessionis ac communionis: Quidquid enim patimur, peccata nostra meruerunt.

P 3

Quod

*Adversari
as ducit
in notitia
peccati*

Quod si graviorum peccatorum reus non es, imputa tamen quidquid tibi obvenerit, peccatis minoribus, juxta consilium *Blo-
ji Abbatis.*

Denique si calamitates publicæ ingruant, fames, bella, morbi, omnes clamare debemus cum *Davide Psal. 118. Iustus es Domine, & re-
ctum judicium tuum, merito hæc patimur quia peccavimus.*

Hæc cum inter se dicerent fratres *Iosephi*, nesciebant, inquit Scriptura, quod intelligeret *Ioseph*, eo quod per interpretem loquebatur ad eos, & veritatem se parumper & flevit. Discesserat jam interpres, arbitratique se à *Ioseph* non intelligi, securius inter se differentes, suam calamitatem, & causam illius lamentari potuerunt. *Ioseph* interea ita sese gerebat quasi linguam *Hebraicam* non intelligeret: Audiens ergo sic illos loquentes, miseramque suam conditionem deplorantes, ita commotus est animo, ut lachrymas continere non posset, sed ne fratres hoc adverterent, avertit se, secessit ad latus, & flevit. Videns enim fratres suos, inquit *Iosephus historicus*, in tanta anxietate constitutos, dissimilare ultra non valens quod lachrymæ jam prorumperent, quas etiam tunc celari volebat, subduxit se de medio: Poterat voce celare se fratrem esse, sed oculis non poterat, illi enim per lachrymas solitum signum vulnerati amore cordis ediderunt. Flevit itaque ex compassione cum videret illos afflitos, & ex amore, quamvis enim illum, inter se discurrendo, memorem reddenter injuriaæ quam illi intulerant, non tamen illos oderat ut inimicos, sed amabat ut fratres. Ecce quid rependat pro injuria ab illis sibi illata; noluerant illi videre angustias animæ illius, nec lacrymas, nec preces audire cum illum projicerent in cisternam, & *Ioseph* non potest videre illorum angustias & lacrymas, quin fleat.

Ubi talem adhuc hominem inveniemus qui sic agat cum hosti-
bus suis? qui amet sibi injuriosos? qui fleat cum flentibus ex com-
passione æruminarum quas patiuntur, nisi ad culmen sanctitatis
pervenierit. Fateor in hac parte etiam miraculum fuisse *Davidem*. Toties quæsusitus ad necem à *Saul*, toties occasionem naelus illum occidendi, modo cum solus esset sine comite in spelunca, modo cum dormiret in suo tentorio, numquam tamen injuriarum meminerat; non semel flevit cum flente; quanto lu-
ctu prosecutus est mortuum? quanta severitate usus est in militem qui illum occiderat? hæc omnia vera sunt, sed quem parem
habebat *David* in sanctitate? & quamvis hanc unam solam virtu-
tem

tem amoris ac compassionis erga hostem habuisset, haec una sufficiebat ad sanctitatem, juxta Christi doctrinam, qui ait; *Diligite inimicos vestros ut sitis filii patris vestri qui in celis est.* Si filii Dei, ergo diligendo inimicos nostros sumus sancti: Adeoque quamvis alii egregii virtutibus praeditus sis, si hac una careas, sanctus non es, nec filius Dei. Frustra oras si non ignoscis, orabat Phariseus, sed oderat Publicanum, ideo exiit templo reprobatus a Deo; frustra affers sacrificium ad altare, si habes aliquid adversus fratrem tuum, dicit enim Christus, relinque munus tuum ante altare, quia nihil agis nisi prius reconcilieris fratri tuo. Frustra confiteris peccata tua ut misericordiam consequaris, quia *judicium sine misericordia*, inquit D. Iacobus cap. 1, qui non fecerit misericordiam. Frustra petis a Deo veniam peccatorum, nam nisi dimiseritis hominibus, inquit Christus Matth cap. 6, nec patitur vester dimittet peccata vestra. Frustra acceditis ad mensam Domini sumpturi corpus Christi, & quasi osculo Christum excepturi, nisi prius osculo pacis in antino tuo exceperis inimicum tuum. Frustra abstines a deliciis carnis, si non abstines a maledictis in hostem: Vides ut sine hac una virtute, ceterae nihil valent? adeoque quod sine illa nullus possit esse sanctus, nec consequenter filius Dei?

Quid manifestius dici potest quam quod ait Augustinus serm. 5. de Steph. ? Qui vel unum inquit, hominem in hoc mundo odio habet, quidquid Deo operibus bonis obtulerit, totum perdet, quia non mentitur Paulus, dicens: Si derro omnes facultates meas, & corpus meum ut ardeam, Charitatem autem non habuero, nihil mihi prodest. Sicuti autem tanto magis excelluerunt in sanctitate David & Joseph, quia tam benevoli fuere erga hostes suos ante Evangelium (tunc enim Christus nondum de illo dederat aliquod praeceptum) sic tanto gravius peccant qui hostes suos oderant postquam Christus dixit; *Diligite inimicos vestros, orate pro persequentibus vobis, benefacite his qui oderunt vos.* Crescit enim magnitudo peccati, ex gravitate praecepti. Tu odisti inimicum tuum quem debes diligere, tu persequeris illum pro quo te persequente debes orare, tu optas ut malè illi sit cui benefacere debes, tu exultas in illius ruina cui debebas compati, tu agravias luctum ipsius, cum deberes flere cum flente. Vide ergo quam graviter pecces, & an non merearis ut Deus tibi non dimittat peccata tua, quandoquidem non dimittas hominibus quæ peccarunt contra te.